

EQIKKAANEQ

Ulloq:
Allaffik: Nordatlantkontoret
Suliarinn.: Maise Biørn Jørgensen
Suliaq nr.: 2019-490-0147
Dok.: 2374980

Inatsisinik atuutsitsillutik oqartussat inunnut paasissutissanik suliarinnittarnerat pillugu inatsisip kunngip peqqussutaatigut Kalaallit Nunaannut atuutilersinneqarnera pillugu peqqusummut missingut

Oqartussaqarfiiit inatsisinik atuutsitsillutik inunnut paasissutissanik suliarinnittarnerannut aalajangersakkat atuuttut ullumikkut inunnut paasissutissanik suliarinnittarnermut inatsimmi nassaassaapput, peqqussutikkut nr. 1238, 14. oktober 2016-imeersukkut atuutilersinneqartut.

Justitsministeriap oqartussaqarfiiit pinerluttulerinermi inatsisinik atuutsitsillutik inunnut paasissutissanik suliarinnittarnerat pillugu inatsisip Kalaallit Nunaannut atuutilersinneqarnissaanut peqqussummut missingut suliaraa.

Malittarisassat taakkua Kalaallit Nunaannut atuutilersinneqarnissaanut pingaarnertut siunertaavoq isumannaassallugit Kalaallit Nunaanni aaqqiinerit pitsaanerusut piffissamullu naleqqunnerusut, oqartussaqarfiiit pinerluttulerinermi inatsisinik atuutsitsillutik inunnut paasissutissanik suliarinnittarnerat pineqartillugu. Tamaalilluni annertusisamik susassaqarfimmi Kalaalli Nunaanni aamma Danmarkimi pingaarutilimmik assigiaartumik inatsisinik atuutsitsisoqassaaq, ilaatigut Kalaallit Nunaanni naagalaaffiup oqartussaqarfisa aamma Danmarkimi oqartussaqarfiiit akornanni paasissutissanik avitseqatigiittarnermut eqqaallisaataasussamik.

Peqqussummut missingut immikkoortunut agguataarneqarpoq, tassunga ilagitillugu atuuffia aamma nassuaatit (immikkoortoq I), suliarinnittarnermut malittarisassat (immikkoortoq II), nalunaarsorneqartup pisinnaatitaaffii (immikkoortoq III), data-nut akisussaasup aamma data-nik suliarinnittup pisussaatitaaffii (immikkoortoq IV), inunnut paasissutissat isumannaassusaat (immikkoortoq V), data-nik illersuinermut siunnersorti (immikkoortoq VI), inunnut paasissutissanik nunanut pingajuusunut imaluunniit nunarsuarmi kattuffinnut nuussineq (immikkoortoq VII), nakkutilliineq (immikkoortoq VIII), eqqartuussisarnermi atortut, akisussaaffik aamma pineqaatit (immikkoortoq IX), aammalu naggataatigut aalajangersakkat, tassunga ilagitillugit atuutilersitsinermut aalajangersakkat.

Atuuffia pineqartillugu, malittarisassat inunnut paasissutissanik suliarinninnermut atuutissapput, Politiinut aamma unnerluussisussaatitaasunut suliarinnittunut, tassunga ilagitillugit sakkutut unnerluussisussaatitaasui aamma eqqartuussinermi pisortat, pinerluttunik isumaginnittut, Politiit Pilligit Maalaaruteqartarfik Attaviitsoq aamma eqqartuussiviiit, iliuutsit pinerluttulerinermermi eqqartuussisarnermi akisussaatinneqarnermik kinguneqarsinnaasut, imaluunniit pinerluttulerinermermi pineqaatissiissutaasinnaasut pitsaliorniarlugit, paasiniarniarlugit, paasiniarlugit imaluunniit eqqartuussivikkut malersorniarlugit, tassunga ilagitillugit tamat isumannaatsuunerannik sioorasaarinernut illersuineq imaluunniit pitsaliuineq.

Suliarinninnermut malittarisassat pineqartillugit, inatsisinik atuuttunik ingerlatitseqqiineq pineqarneruwoq. Taamaattoq inunnut paasissutissanik toqqortaqarnermut piffissarititaasut aammal tamatumani naatsorsuinissamut pisariaqartitsineq pilligit tunngavinnik ataasiakkaanik eqqussisoqassaaq, soorluttaaq nalunaarsorneqartut aamma inunnut paasissutissat assigiinngitsunik suussuseqartut akornanni immikkoortitsinermut malittarisassat erseqqissut siunnersutigineqartut. Oqaaseqaatigineqarli, inunnut paasissutissat pilligit inatsit Kalaallit Nunaannut atuuttoq, sulianut eqqartuussivinnit suliarineqartunut atuutissangitsoq.

Nalunaarsorneqartut pisinnaatitaaffii pineqartillugit, tassunga ilagitillugit ilisimatinneqarnissamut pisinnaatitaaffik, takunnissinnaatitaaneq, naqqiisinnaatitaaneq aammal piaasinnaatitaaneq, pineqarpoq pinerluttulerinermermi inunnut paasissutissanik suliarinnittarnermut inatsisit atuuttunut tunngatillugu pisinnaatitaaffinnik annertusaaneq. Tamanna pissuteqarpoq, nalunaarsorneqarsimasumut paasissutissiinissamut pisussaaffik aammal nalunaarsorneqarsimasup inunnut paasissutissat pilligit akerliliilluni nalunaarnissamut, naqqiinissamut, mattussinissamut aammal piaanissamut pisinnaatitaaffii pilligit malittarisassat atuuttut pinerluttulerinermermi sulianut, eqqartuussiviiit, politiit aamma unnerluussisussaatitaasut sinnerlugit suliarineqartunut, atuutinnginnissaannik.

Data-nut akisussaasup aamma data-nik suliarinnittup pisussaatitaaffii pineqartillugit, nutaanik pilersitsinerit arlallit eqqartorneqarput, tassunga ilagitillugu data-nik illersuineq pillugu siunnersortimik toqqaanissamut pisussaaffik. Taamaalilluni data-nut akisussaasoq - eqqartuussiviiit eqqartuussivittut atuuffitsik tunngavigalugu inunnut paasissutissanik suliarinnittarnerat pinnagu - peqqussutissatut siunnersuut malillugu nutaatut data-nik illersuinermut siunnersortimik toqqaanissamut pisussaaffeqlissapput, taannalu apeqqutit data-nut tunngasut suulluunniit pineqartillugit akuutinneqartassaaq. Aammattaaq data-nut akisussaasup inunnut paasissutissanik suliarinninneq sioqqullugu, suliarinninneq inuit pisinnaatitaaffii pineqartillugit navianaateqarsinnaasoq, kinguneqaataasinnaasunik misissuissaaq aammal piset ilaanni nakkutiliinermut oqartussanut tusarniaassalluni sioqqutsisumik. Taamatuttaaq pisariaqanngitsumik kinguarsaanertaqanngitsumik data-nut akisussaasoq piset ilaanni inunnut paasissutissanik suliarinninnerup isumannaatsuutinnissaanut unioqqutitsinerit inuit pisinnaatitaaffiinut

navianaateqarsinnaasut nalunaarutigisassavai, nakkutilliinermut oqartussanut aammalu - pisut ilaanni - nalunaarsorneqartoq ilisimatillugu.

Aamma malittarisassanik atuutilersitsinikkut log-erinermut (data-nik ikkussuinermut) piumasaqaatit atuuttut allangngortinneqassapput. Aalajangersarneqarpoq, data-nik suliarinninnermut system-it nammineq ingerlasut peqqussutissap atuutilersinneqarnera sioqqullugu ivertinneqarsimasut, log-erinissamut piumasaqaatip atuuffissai, sorliit tulliullugit nalunaarummi suliarineqassanersut, log-erinissamut piumasaqaatip annertussusissaa pineqartillugu annertunerusumik paasiaqartoqarsinnaanera eqqarsaatigalugu.

Inunnut paasissutissanik nunanut pingajuusunut imaluunniit nunarsuarmi kattuffinnut nuussinermut malittarisassat pineqartillugit, ilaatigut siammasissumik pineqarput malittarisassanik atuuttunik ingerlatitseqqiineq. Oqaatigineqarpoq Danmarkimi inatsisinik atuutsitsinermi inatsimmut atatillugu EU-mi malittarisassaliortoqassasoq data-mik illersuinermut inatsisinik atuutsitsinerup iluani, taamaalilluni inunnut tunngasunik paasissutissanik nunanut pingajuusunut, tassa nunanut EU-p avataaniittunut, tassaniilluni aamma Kalaallit Nunaat, ingerlatitseqqiineq pissammat malittarisaasumik, immikkut ittumik nunanut pingajuusunut inunnut tunngassutilinnik paasissutissanik ingerlatitseqqiinermi inatsit malillugu. Aamma oqaatigineqarpoq inunnut tunngassutilinnik paasissutissanik Kalaallit Nunaannu oqartussaniit Kalaallit Nunaannuut oqartussanut allanut ingerlatitseqqiineq, nunanut pingajuusunut ingerlatitseqqiinertut isigineqassangimmat, inunnut tunngasunut paasissutissanut inatsit malillugu.

Nakkutilliineq pineqartillugu malittarisassat pineqartillugit, inatsisinik atuuttunik ingerlatitseqqiineq annertunerusumik pineqarpoq, tassunga ilagitillugit attuumassuteqannginnissamut piumasaqaat aammalu nakkutilliinermut oqartussat suliassaanik nassuaaneq.

Eqqartuussisarnermi atortut, akisussaaffik aamma pineqaatit pillugit malittarisassat pineqartillugit, annerusumik pineqarpoq nalornaarsorneqartup nakkutilliinermik oqartussanut maalaaruteqarsinnaanermut periarfissaa aammalu pisut ilaanni nakkutilliinermik oqartussat aalajangiussaannik eqqartuussivinnut suliassanngortitsisinnaanera pillugu malittarisassat ingerlateqqinnejarnerat. Tamatuma saniatigut nalunaarsorneqartoq periarfissaqarpoq data-nik akisussaasut aamma data-nik suliarinnittut uannga inatsimmik malittarininnerat pillugu eqqartuussivinnut apeqquteqarnissamut.